

黔南叢書

第三集第九冊

黔南叢書第三集

琴廬詩

據鈔本校印

黔詩紀畧後編章侍讀永康傳證

貴陽陳田

永康字子和大定人舉咸豐辛亥鄉試壬子中進士癸丑殿試改庶吉士散館授中書選侍讀請急歸賊陷大定罵賊死子和少失怙恃生母亦歿鞠於繼母誥通籍

後繪雞聲燈影圖以誌痛

鄭珍集經集遺文跋雞聲燈影圖古之人於爲父也妻者

即母之而盡母道不必其已生也故周公制喪服經無君母之而盡母道不必其已生也故周公制喪服經無君母

爲庶子庶子爲君之母若妾不得有衆子爲其子衆子衆嫡庶爲之者衆父母若妾不得有衆子爲其子衆

遂見後條則君母爲庶子具此矣齊衰三年章父卒則爲母杖期章父在爲母此服通貴賤妾子有以厭降不

得三年及期者可以君母包其母是爲之並兼嫡庶則
庶子爲君母具此矣若然君母庶子之名特以其異出
析言之其爲母子所當盡之道與生己生者無二也
服不奪其出又無可別出此周公準禮順情以制經垂
教之精意也自世道衰天理之公微人心之私盛爲君
母者曰是非吾生也子焉而已而爲庶子者亦曰是非
生我也母焉而已於是雖有母子之名而母子之道渺
盡其實矣今大定章吉士子和庶出也生甫周其母謝
安人歿君母譖安人實百苦撫教之見其成進士入庶
常館而始歿歿後子和悲慕無已特作此圖志恩勤以
寓其痛而持以示余余嘉歎安人之所以爲母吉士之爲子
皆能盡古人之道而合乎周公之所以教世之爲君母
庶子者聞茲風其慈孝之本心或可
油然而起也乎故申禮意而審之

天才奇逸綺思瑤

想不作平人腕下語使極其才當奴僕命騷生爲詞伯
死作鬼雄亦可欽矣所著有瑟廬詩草海粟樓詞散佚

無存茲編所錄皆其錄贈朋好者也

附 陳繼聰忠義紀聞錄

章君永康字子和貴州大定人天才俊逸詩筆婉麗嘗
有詠春水數首云鴛湖十里碧粼粼芳草沿堤罨畫新
紫燕斜衝帆外雨翠螺研活鏡中春經時遠浦頻傷別
欲話離情懶問津一曲清歌豔桃李只應愁煞渡江人
夕陽三月映玲瓏六六纖鱗字未通芳渚但棲鴛鳥夢
徵波空怨鯉魚風春如有恨描愁綠去尙多情戀落紅
試向滄流問青鳥神仙曾是有無中他如洗恨可知濃

似酒懷人終覺遠於天一濟衣帶隨腸曲千頃琉璃度
夢遲春深南國寒紅豆日暮東風蹙翠娥皆寄託遙深
哀而不怨藝林競傳誦焉尋中咸豐二年進士選庶吉
士改中書升侍讀乞假歸里值苗寇亂大定失守竟死

於難贈卹如例

饗自然
齋詩話

論曰咸同之間寰宇不靖搢紳學士多隕身於鋒刃甚
或全家化爲灰土其著作大都湮沒矣嗟乎鉅製宏章
固非績學不成卽此一吟一詠亦才人嘔心肝而出之
奈何運遭百六俱付之於無何有也如章侍讀之才不

減唐之溫李而竟遺詩寥寥設非亦谿殿撰采入詩話
世誰知黔中有此才士乎噫

章子和墓志銘

遼義黎庶昌撰

君諱永康字子和別號瑟廬大定章氏由拔貢生中咸豐元年舉人癸丑成進士改翰林院庶吉士散館再改中書曾祖某祖某考首乾妣某氏諱氏母謝氏以君貴贈某官某封始贈君前妻生永孚永孚母卒繼娶諱歸未幾而贈君逝君庶出也生而失父及期母謝亦卒於是二子者皆育於諱撫養教誨迄於成人而諱故無出君子以謂諱母所爲極天下婦行之難能矣其後君貴

謨又謝世君思母教不忘命工作機聲鐙影圖以志哀
一時題詠甚廣君子又以是賢君也君爲人頗身玉貌
雅度溫溫所居錦茵繡幕狀類婦人女子初入翰林年
二十餘名譽藉甚及改官中書非意所樂當是時海疆
多故君居京師與名流數輩悲歌擊筑佗僚傷懷嘗要
今中丞南皮張公之洞賦行路難古樂府十餘章詭切
時事微顯志晦深文隱蔚進乎春秋其友涇縣吳承修
讀之歎曰子和肝膽皆芬也黔本山國大定尤處萬山
之交僻陋在夷世鮮名達君出而天才綿麗冠絕時流

有騷人之遺風焉夫其性情悱惻牢愁悲思則楚臣屈
原之所爲惓惓君國也人才不擇地而生如君固天地
清淑所特鐘而非一隅一世之有矣君以咸豐十年冬
出京其兄方官江西知縣道往省之還黔數年將改官
知府分發補用已治行矣會黃號賊陷大定倉卒及難
死焉同治三年十一月十六日也春秋三十有幾君死
屍卒不獲大吏亦未具其事上聞予聞而悲君數之奇
謀輯所爲詩歌傳世吳君承修蒐得君詩四十餘首詞
數首介其鄉人洪都轉汝奎詒予刻之光緒元年攜至

荷花池釐局勘定錄副未竟局燬於火稿失大半僅存
者行路難樂府而已君之厄乃至於是邪蒼蒼者其果
有知邪果無知邪吾不能名矣君無屍宜具衣冠葬配
某氏子某銘曰

水西孤城如斗大惟黔采風等自鄮藐姑仙子真天人
起家孝秀無等倫威鳳不翔豈其志翦爲國殤天亦寐
請陳侓詩行路難化爲碧血千萬年

瑟廬詩草上卷

大定章永康子和著

五古

冬至後五日夢與君仲吉甫遊省城之芙風山老
梅含蕊竹翠染人遊賞未已忽爲巷柝驚寤聊
述短章卽柬君仲

涼月淡如煙月暈紗紋薄窗外梅花影橫窗淡漠漠憶
遠不勝情焚香下簾幙夜永篆紋遲香燼餘灰落入夢
忽見君見君瘦如削巨源舊故人清姿聳立鶴言着遊

山屐共登遊仙閣
芙風何其高
松柏繞林壑
翠竹傍砌生
綠雲染帷幙
寒梅幾枝發
清香動細萼
橫斜地半弓
巡簷頻笑索
蓮漏徹銀籤
遽然清夢覺
夢魂遠隨君
醒時猶約畧
夢好翻嫌遲
恐非平生樂
後會未可知
好夢復拋却
何日踐此游
歡言杯酒酌
挑燈坐黯然
帳鉤下芍藥

寄內

春棠花又發
春恨結垂絲
滴盡思君淚
堪憐君未知
調絃理青琴
欲奏心還嬾
絃冷心如冰
遙遙爲君煖
夜冷

燈如豆夢君香影瘦怪底枕函冰淚滿輕羅袖秋河管
耿耿窗外黃月冷願將千里心映入冰壺影

得家書

剝啄聞叩門燕山日已沒游子盼鴻雁惻惻勞心目有
客萬里至貽我雙鯉腹長跪讀母書懷若奉箴錄上言
慎交游下言謹寒燠兒任比泰山兒身若金玉恥辱他
日累功名身外物願兒懷遺訓無爲俗世逐下及桑梓
情一一書滿幅恍然七千里使我歸夢熟讀竟意悚然
別離感骨月新婦亦善愁寸函淚痕續語苦意未申勞

勞寫心曲感君心若此身世悲局促人生遠鄉里前路
未能卜四方丈夫事敢作窮途哭惟念名不立日月征
邁速顯親在名義科第何足述浮雲日以馳憂思日以
蹙此時老母心持杯能飲不

江上憶內

照鏡愁分鸞理琴彈別鶴千里望君心臨江採蘭若憐
卿玉窗前離夢隨征鞍掩淚謝膏沐下簾香霧寒與卿
話銀屏笑儂太癡生今日歸夢鎖恐卿癡勝我

江上立春寄內

別來春未歸春歸人已瘦東風知我心吹入君懷袖相
望芙蓉城相思隔江水遙憐玉窗前掩鏡坐無語怕記
臨別時傷心語難剖胸前似月環解憶迴文否

清溪洞

疲策倦塵壻弭節春幽獨秋高生遠心野曠麗清矚林
深景易歇巖轉徑逾複逐客淚哀猿游子踐奔鹿攀藤
孤雲墜弄水山月掬春姿媚幽花霜質潤寒棗眷言拾
瑤草褰裳涉寒淥悵望山之阿薦蘿施喬木美人期不
來誰與酌芳醪相思憺忘歸獨抱白雲宿